

Juan Irausquin a indica cu pensioen pa nos grandinan ta un mester

ORANJESTAD (AAN): Ata aki un tiki di historia, suministra door di Partido PPA.

Cu fundacion di su partido, Juan E. Irausquin, q.e.p.d., a duna Aruba su promer partido social democrata. P.P.A. no a afilia su mes na instancianan internacional pero si P.P.A. realmente a practica e filosofia den tur sentido di palabra.

Un promesa sagrando cu a worde haci door di sr. Juan E. Irausquin na nos grandinan di Aruba tabata cu ta imposibel pa nos grandinan continua mira e desaroyo, na unda ciudadanonan cu a labora den nos comunidad pa hopi aña den nan edad halto, mester a cana rond, aña tras di ana, puntrando e asina yama "shonnan" pa placa pa nan por a cumpra pan pa nan come e dia of e siman ey.

Pues hopi di nos trahadornan no tabata tin un futuro segura, al contrario mas edad, tabata nifica menos posibilidad di trabao y consecuentemente un bida dificil na unda mester a transforma den un ser humano

biba.

Un bida dificil, un bida cu no tabata pas cu tur e progreso na Aruba e tempo ey. P.P.A. como organizacion a primini di haci algo na esaki y ariba nivel central nan a cuminsa prepara e ley di pensioen pa nos grandinan. Na mes momento a cuminsa prepara e ley pa viuda y huerfano. E dos leynan aki a pasa Staten di Antiyas y a worde publica como Landsverordening algemene ouderdomsverzekering en de Landsverordening ouderdomsvoorziening P.B. 1960 no. 83 y 155, mientras e otro a bira conoci como e ley di algemene weduwe en wezenverzekering, P.B. 1965 no. 194.

Ideanan cu a brota for di e sentimentonan social cu a gran Arubiano aki tabata. Ta marca den analnan di historia arubiano cu oponentenan di e tempo ey NO a kere den e necesidad di e leynan aki, pero partido PPA y su partnernan di coalicion a persisti y a logra nan meta na bienestar di nos grandinan